



REPUBLIKA E KOSOVËS / REPUBLIKA KOSOVA

CN.nr.21/2024

GJYKATA SUPREME E KOSOVËS, kolegji i përbërë nga gjyqtarët: Beshir Islami, kryetar, Rustem Thaqi dhe Milena Gjeriq, anëtarë, në çështjen juridike përmbarimore të kreditorit N.T.P. "G. P.", me seli në rr. "...." nr....., në V., kundër debitorit F. G. - Ministria e Shëndetësisë, me seli në P., me bazë juridike borxh në bazë të titullit ekzekutiv, duke vendosur lidhur me kompetencën lëndore, përkitazi me konfliktin e kompetencës, në seancën e kolegjit të mbajtur më 25.01.2024, merr këtë:

A K T V E N D I M

Për të gjykuar në këtë çështje juridike, kompetente lëndore është Gjykata Themelore në Prishtinë – Departamenti i Përgjithshëm, të cilës shkresat e lëndës i dërgohen në kompetencë të mëtejme.

A r s y e t i m i

Gjykata Themelore në Prishtinë, Departamenti për Çështje Ekonomike, duke vepruar sipas propozimit të kreditorit N.T.P. "G. P.", ka lejuar përmbarimin ndaj debitorit F. G. - Ministria e Shëndetësisë, për ekzekutimin e borxhit në lartësi prej 3,148.94 €. Ndërsa, kjo gjykatë me Akt Përcjellës E.nr.964/2013, të datës 10.11.2016, ka bërë transferimin e lëndës pranë Gjykatës Themelore në Prishtinë, Departamenti i Përgjithshëm, si gjykatë kompetente për të proceduar më tutje në këtë çështje përmbarimore. Gjykata Themelore në Prishtinë, Departamenti i Përgjithshëm, me Aktvendimin CP.nr.3015/16, të datës 15.02.2023, është shpallur jo kompetente në pikëpamje lëndore për të vendosur për këtë çështje dhe lëndën ia ka dërguar Gjykatës Komerciale , Dhomave të Shkallës së Parë departamentit për Çështje ekonomike.

Gjykata Komerciale e Kosovës, Dhoma e Shkallës së Parë, me aktvendimin e vet, KPPP.nr. 1823/23, të datës 31.01.2023, ka hapur konfliktin e kompetencës në mes të Gjykatës Komerciale

të Kosovës, Dhomat e Shkallës së Parë, Departamenti për Çështje Ekonomike dhe Gjykatës Themelore në Prishtinë - Departamenti i Përgjithshëm duke konsideruar se nuk kemi të bëjmë me asnjërin nga mjetet juridike të parapara në kompetencë të Gjykatës Komerciale por kemi të bëjmë me përmbarrimin e dokumentit në lejin e të cilit janë shfrytëzuar të gjitha mjetet e lejuara,, gjatë shqyrtimit paraprak të lëndës gjeti se çështja e cila është objekt i saj përfaqëson çështje për vendosjen e së cilës kjo gjykatë nuk ka kompetencë lëndore, por që për vendosjen e kësaj çështje është kompetente pikërisht Gjykata Themelore në Prishtinë - Departamenti i Përgjithshëm,

Për të vendosur lidhur me konfliktin e kompetencës lënda i dërgohet Gjykatës Supreme të Kosovës.

Gjykata Supreme e Kosovës, ka vlerësuar se në këtë rast kemi të bëjmë me konfliktin e kompetencës midis gjykatave të ndryshme të cilin e zgjidh Gjykata Supreme e Kosovës, bazuar në nenin 25.2 të LPK-s dhe nenin 13 pika 7 të Ligjit Nr. 08/L-015 Për Gjykatën Komerciale.

Nga shkresat e lëndës del se Gjykata Themelore në Prishtinë- Departamenti për Çështje Ekonomike duke vepruar sipas propozimit të kreditorit, ka lejuar përmbarrimin ndaj debitorit. Ndërsa kjo gjykatë, me aktvendimin E.nr.964/2013, datë 10.11.2016, e ka bartur lëndën në departamentin e përgjithshëm të gjykatës së njëjtë është e me vendimin e vet CP.nr.3015/2016 të datës 15.02.2023, shpallur jo kompetente për të vendosur në këtë çështje përmbarrimore, ndërsa lënda është dërguar pranë Gjykatës Komerciale të Kosovës Dhomat e Shkallës së Parë, si gjykatë kompetente për të proceduar në këtë çështje përmbarrimore. Kjo gjykatë konsideron se nuk ka kompetencë për të vendosur për këtë çështje.

Me vështrim në nenin 13 pika 1.1. të Ligjit Nr. 08/L-015 për Gjykatën Komerciale, parashihet se përveç tjerash "Gjykata Komerciale ka juridiksion ekskluziv vetëm në kontestet ndërmjet shoqërive tregtare vendore dhe të huaja, si dhe kontestet ndërmjet personave juridikë publikë dhe privat, në lidhje me çështjet e ndërsjella tregtare dhe çështje tjera mes tyre; kontestet në lidhje me pengimin e posedimit në mes të shoqërive tregtare dhe kontestet në mes shoqërive tregtare lidhur me të drejtat sendore dhe për procedurën përmbarrimore, për çështje brenda kompetencës të kësaj gjykate.

Gjykata Supreme e Kosovës pas shqyrtimit të legjislacionit të aplikueshëm për këtë çështje, gjeti se duke u bazuar në faktin se palë në procedurë F. G. i Ministrisë së Shëndetësisë dhe objekt i kontestit është pagesa e borxhit, nga ky aspekt kontesti nuk ka të bëjë me afarizmin e ndërsjellët dhe

nuk i përmbush kriteret në përputhje me Ligjin për Gjykatat lidhur me nenin 43 të Ligjit për Procedurën Kontestimore. Andaj Gjykata Supreme e Kosovës vlerëson se gjykatë kompetente lëndore për të vendosur sipas padisë se paditësve është Gjykata Themelore në Prishtinë-Departamenti i përgjithshëm, në pajtim me nenin 12.1 të Ligjit Nr. 06/L - 054 për gjykatat, i cili parasheh se "Gjykatat Themelore janë kompetente për të gjykuar në shkallë të parë të gjitha çështjet, përpos nëse me ligj parashihet ndryshe". Prandaj për të vendosur për këtë çështje lënda i dorëzohet Gjykatës Themelore në Prishtinë-Departamenti i përgjithshëm.

Nga sa u tha më lart, e në kuptim të dispozitës së nenit 25.2 të LPK, u vendos si në dispozitiv të këtij aktvendimi.

GJYKATA SUPREME E KOSOVËS – PRISHTINË

CN.nr.21/2024 datë 13.02.2024

Kryetari i kolegjit,
Beshir Islami